

928

七

2

誠齋集



誠齋集卷第五

廬陵楊萬里廷秀

詩

江湖集

看雪

操雲剪水作風飄夜落連明肯便休舊說六花元
未試偶看一片上駝裘

送曾秀才歸永豐

白茅柴強作春青燈火夜相親超然但子真
翹楚舊矣逢人誦過秦覽舉不應專嗜古能文安

得却嫌貧射斜速化誰無術誤向南溪更問津

寄題鄒公橋

吾儕一事辨不曾鄒公一橋了此生省齊先生三
大字此橋便有千載意今年天亦與護持桃花春
水不多肥濟川題柱吾無夢僑新橋作釣磯

贈曾相士二首

富貴真成一聚塵飢寒選得萬年名心知那有揚
州鶴更問儂當作磨生
拋了儒書讀相書却將冷眼看諸儒曾生肯伴誠
齋否共箇漁舟入五湖

題蕭端履和樂堂

玉笥風回峽山兩兩公對床方軟語少公一生吟
樣曜長公半醉少公扶白頭兄弟不多有面如橘
紅不閑酒紫荆花開連理枝孝友未要時人知

昌英知縣叔作歲坐上賦瓶裡梅花時坐

上九人七首

銷冰作水旋成家猶似江頭竹外斜試問坐中還

幾客九人而已更梅花

膽樣銀瓶玉樣梅此枝折得未全開爲憐落貞空

山裡喚入詩人儿案來

酒兵半已卧長瓶更看撫兄巧盡情醉挾寒花望
松雪人間曾有箇般清

寒盡春生夜未央酒狂似醒時狂吾人何用餐
烟火擣碎梅花和蜜霜予取糖霜筆以梅花食之其香味如蜜漬青梅小苦而可

衣染龍涎與麝臍裁雲剪月作冰肌小瓶雪水無
多子只攀橫斜一兩枝

雪凍霜封稍散殘愁慙折向坐中看綺疏深閉珠
簾密不遣花愁半點寒

梅香不是不寒清參遍橫枝酒未醒夢入西湖疎

影裡覺來失却冷泉亭

戊子正月六日雷雨感歎示壽仁子

今晨忽雷兩天地又發春草木闊紅綠生意察已
欣蟄蟲且徐動餘寒未全仁先生起裹頭三嘆一
再顰春風吹萬物不吹先生貧清怨一束書只博
兩婢廬自倚文字工竟取造物嗔小兒在傍笑笑
我浪苦辛去年作客子椒柏羨主人在家不差勝
更用愁此身先生亦一莞我不如兒真為我滿眼
酷不問醜與醇杖頭日百錢無錢借諸隣不然衣
可典及此花柳新

人日詰朝從昌英叔出謁

四席各自佳要不如春時何必花與柳始愛春物
熙今晨駕言出從公南山西泥軟屢自愜風嫩面
不知寒草動暖芽晴山餘兩姿水日亦相媚蹙紋
生碎暉鳥聲豈為我我聽偶自怡出門初憚煩載
塗乃忘歸但令我意適豈挾出處為路人見我揖
屬我有所思我不見其面信口聊應之徐悟恐忤
物歌謝已莫追我率或似傲彼愠獨得辭

暮宿半塹

朝日在我東夕日在我西我行日亦行日歸我未

歸勢須就人宿遠近或難期平生太踈放似黠亦
似癡如何今日行不以舍枕隨幸逢春小暄倒睡
莫解衣借令今夕寒我醉亦不知

次日醉歸

日晚頗欲歸主人苦見留我非不能飲老病怪觥
籌人意不可違欲去且復休我醉彼自止醉亦何
足愁歸路意昏昏落日在嶺陬竹裡有人家欲憩
聊一投有叟喜我至呼我為君候造以我非是俛
笑仍掉頭機心久已盡猶有不平鷗田父亦外我
我老誰與遊

上元夜里俗粉未為繭絲書古語置其中
以占一歲之福禍謂之繭卜因戲作長句
去年上元客三衢衝兩看燈強作娛今年上元家
裡住村落無燈惟有兩闌溪叢祠稍簷謾不知還
有遊人否兒女炊玉作繭絲中藏吉語默有祈小
兒祝身取官早小女只求蠶事好先生平生笑兒
癡逢場亦復作兒嬉不願著脚金華殿不願增巢
上林苑只哦少陵七字詩但得長年飽喫飯心知
繭卜未必然醉中得卜喜欲癲

送蕭仲和往長沙見張欽夫

蕭家伯氏難為兄蕭家仲氏難為弟御史子孫今
有誰眼中乃見此二士阿兄采蘭壽梅堂阿弟東
書參蜀張聖門九鑰天為守玉匙密付蜀張手子
到長沙渠門儂為言真成一老翁功名妄念雪銷
了只愛吟詩惱魚鳥子歸好在中秋前看子新年
勝故年

送鄒元升歸安福

我昔見子廬溪南烟如玉雪照晴嵐子今訪我南
溪北凜如驥驥成骨骼袖中文字細作行讀來病
眼生寒光炎新句子入時樣故應破陣翰墨場春

風春兩春山路喜子能來愁子去故人一別二十
年且對青燈夜深語

和昌英叔雪中春酌

南溪春寒強似冬南溪春水走玉虹雷公戲手行
春雪詩人嘲詞便飛屑只嫌春雪趁春雷春容止
要渠栽培凍作玉花銷作雨多般點綴春庭戶酒
盃如海醉即休醉中看雪忘却愁如何呼酒不痛
飲可令詩肩受妻凜少時狂殺老更狂長恐此意
墮渺茫醉鄉有地分一席且與先生十分梨花注

太白

送劉生談命

學兵先學策談命先談格君看前輩富貴人豈與
寒士校日辰星家者流有劉子進人退人若翻水
談何容易驗他年却是直言差可喜

和曾克俊惠詩

眼底春光正入年社前燕子已言旋雨多厭聽鳩
夫婦病起全疎酒聖賢旧喜作詩今已懶君能得
句我先傳略無好語儻嘉惠只麼從權只麼推

和胡侍郎見簡

花邊雪裡撲霜鬚怪底詩來妙一時聊復小吟開

後悟便應大用到前疑先生此曲難先和著句如
甚且著持每望南雲尺有咫其人甚遠只嗟咨

贈彭雲翔長句

讀書臺邊士如雲廬溪門下士如麟定知此地難
為士後來之秀說彭子雪裡能來訪我為當階下
馬雪滿衣贈我文章無不有出入改蘇興韓柳如
今場屋號作家相州紅纓洛中花豈如彭子有律
令會當一書取張景今年誰子司文柄

和賀升卿雲菴升卿嘗上書北闕既歸去
歲寄此詩今乃和以報之

賀子胸中自有山結菴山底更雲間遺才只道今
無詩此士如何尚著閑未應萬言直杯水向來九
虎守天闕莫嫌久不還詩債詩債從來隔歲遷

送昌英叔知縣之官麻陽

政坐詩無半點塵天今著句錦江春遠民蒙惠即
真學漫仕緣親非為身許日相從今恨少先生此
別我誰隣不應更作徒勞嘆廊廟方尋密縣人

和周子中病中代書之韻兼督胡季文季

永游山之約

吟外今何病愁邊我索居昔無今樣懶新久故人

書只說遊山去誰令作計蹠衡廬負我輩我輩負
衡廬

除夕前一日絕

雪留遠嶺半尖白雲漏斜陽一線黃天肯放晴差
易耳慙慚剩覓幾朝霜

己丑上元後晚望

雪裡晴偏好寒餘暖尚輕山煙春自起野燒暮方
明又是元宵過端令病骨驚遣愁聊覓句得句却
愁生

送文輔叔去薄之官松溪

乃翁只解日爭暉不解塵中脫叔兮楊簿故應過
習簿建溪好處說松溪此行詩句何須覓滿路春
光總是題飛上金鸞穩安腳竹林分付一鶯啼

送周仲覓訪來又別

酒邊詩裡久塵埃見子令人病眼開無夕不談
不睡看薪成火火成灰小留差勝忽々別故去何
如良良來渠政功名我巖岳老身誰子共歸哉

休日晚步二絕句

未須急訪社中狂且到西園探海棠今歲行春雖
較晚也勝兩裡度春光

晚雲欹兩又欹晴天借吾人作此行莫道行春無
去處山磬香裡聽溪聲

寒食前三日行脚遇雨

信脚那知遠雖勞亦快哉如何寒食近無數野花
開碧草望中去黑雲頭上來吾行吾自返兩子不
須催

和張器先十絕

舊聞我里子張子七字端能出六奇窮巷有門無
剥啄怪來佳客肯差池

向來一別十番秋消息中間風馬牛只道故人霄

漢去不應林岳小淹留

誰云涸轍困波臣合脫青鞋立縉紳寄興有司高
著眼後來文格待渠新
我自窮愁坐綴文何堪見子可怜生兩窮政好同
詩社一戰猶須債酒兵

散盡千金買盡書短檠兩夜越三餘相如自倚多
文富不問家無澹石儲
筆陣更傳俟喜有詩聲
不隨俗子作蠅營深入書林寄此生已與杜郎爭

漏黃官柳已垂牆針水公畦未種秧多謝詩人來

得：踏開三徑兩中荒

老夫端欲買江天抹月批風嚬聖賢他日君來相

問當南溪：北：山前

學成不必要心齊眼到前脩脚自偕挽住春風還
獨笑更無一物可裝懷

臺家搜遍北山菜頌國如君不用媒次第幽人出
空谷鶴書即傍日邊來

挽鄭恭老步卿

天不遺耆老人誰尚典刑向來卿月白無復史天
青詩汎回風雪心源貝兼經故應書帶草和露泣

康成

和濟翁惠詩

語妙渾忘夜杯行未厭頻平生憎俗子勝處要吾
人已結詩中社仍居族裡親酒邊不著句何許見
天真

文遠叔挽詞

氣喪塵埃外川行翰墨間忽：未白首去：忽青
山琴在絃安用人亡鶴不還竹林有前約欲語淚
先潛

兩中送客有感

不知春向兩中回只道春光未苦來老子今晨偶
然出李花全落鄭花開

題謝昌國金牛煙兩圖

金牛煙雨最相關老子方將老是間不分良齋來
貌取更於句裡占江山

春日六絕句

遠目隨天去斜陽着樹明大知何處吠人在半山
行
春醉非關酒郊行不問塗青天何處了白鳥入空
無

霧氣因山見波痕到岸消詩人元自懶物色故相
撩

江水夜韶樂海棠春貴妃慇懃向春道莫遣一花
飛

日落碧簪外人行紅雨中幽人詩酒裡又是一春

風

春色有情意桃花生暮寒只應催客子不遣立江

干

和濟翁弟惠詩二首

竟歲不得面移書焉用頻我方得吾弟今豈有斯

人海內友非少談間子獨親醉餘無浪語尤見醉
中真

相思何所似飢者食仁頻此客非常客詩人太逼
人黃初那足過子建巧能親臺閣俱知已誰能薦
子真

夏夜追涼

夜熱依然午热同開門小立月明中竹深樹密虫
鳴處時在微涼不是風

暑雨後散策

溪南稻紫似溪北雨後山青非雨前芒屨泥深涼

不淺今年六月箇般天

夏月頻雨

一番暑雨一番涼真箇令人愛日長隔水風來知
有意為吹十里稻花香

新秋盛熱

度夏今年未覓難那知秋熱政無端晚林不動蟬
聲苦蟬亦無風可得餐

送慶基叔往上猶二絕

南溪不住：猶溪別駕賢孫法掾兒莫以甘棠南
國蔭便忘萱草北堂詩

六十慈親路一千卽君歸省又何年贈行句子真
聊爾且折垂楊當贈鞭

初秋暮雨

禾穟輕黃尚淺青村春已報蘭林聲忽驚暮色翻
歲晚仰見雙虹兩外明

濟翁弟贈白團扇子一面作百竹圖有詩
和以謝之

月波初上湧寒金桂樹風來細有音特地此君偏
作惱為儂隔却半輪陰

秋日晚望

村落豐登裡人家笑語聲溪霞晚紅溫松日暮黃
輕只麼秋殊淺如何氣許清不應久閑散便去羨
功名

秋夜讀書

稚子慵都睡先生喚不應蟲聲窗外月書冊夜深
燈半醉聊今古千年幾廢興有懷人未會不樂我
何曾

睡起理髮

老態隨年覺新涼與睡謀鶻驚茅屋曉臂冷葛衣
秋遠嶺元無約開門便見投閑中多事在一日一

梳頭

暮歸

山色偏宜暮桐聲小作秋人行溪側畔天在樹梢
頭學懶真成懶知休却得休遣愁：不去愁盡自
無愁

曉望

暑退誰當憶秋生喜此逢荒林失輕霧寒日上危
峯忽有吟邊興忘看鏡裡容不須無鮑謝始得壇
詩宗

午睡起

過兩餘秋暑移床揀午涼小風吹醉面凜氣忽如
霜月腳何曾動桐陰有底忙倦來聊作睡睡起更
蒼茫

和胡季永赴季文游園良集之韻聊以致

私怨於獨徃云

有酒招元亮無漿饌子居何曾三不速焉用一行
書乞飲殊無分于時不已踈猶應慰大爵玉軸到

吾廬

四美堂

義山禾水在處在明月清風無地無光祿子孫寧

底巧不應造物獨私渠君不見謝家名子取四字
段家作堂兼四美主人自有筆如椽何用憇熟問
楊子

秋晚過泉口

日色全無熱秋涼不似初行人驚翡翠掠水度芙蓉平野一回顧遠山千有餘誰令貪眺望却道廢看書

豐山小憩

歸路元無遠行人倦自遲野香寒蝶聚秋色老楓知得：逢清陰休：憩片時江山豈無意邀我覓

新詩

過劉村江

波走痕：日江呈岸：秋清流堪數石淺涉不須舟野菊知何喜迎風舞未休歸塗愁欲暮未暮我何愁

寄蕭仲和

貧裡端何好飲然肯不居詩臞將到骨室陋得閨渠我懶今仍老誰能強著書談間可無子獨判一

秋虛

題劉朝英進齊

燈火三更雨詩書一古琴惟愁脚力軟未必聖門
深莫笑雲端樹初如澗底針不應將一第用破半
生心

題王季安主簿佚老堂二首

造物那能惱我曹軟紅塵裡漫徒勞是中却有商
量處且道青原幾許高
布鞶青鞋已懶行不如宴坐聽啼鶯只言此老渾
無事種竹移花作磨生

和王元駒

向來淮海說三秦腳蹈蘇門最絕塵真道江山歇

英氣如今文物有斯人黃埃九陌誰知子青竹千
年獨問津未得相看已相識只慚空嘆羈莊珍

題丘成之司理明遠閣

決曹據按塵似海高閣退食心如冰夜將官本校
家本萬山圍裡短檠燈能文未得傲能吏好官不
應博丁字何時著脚最高層目送歸鴻揮綠綺

和謝昌國送韋俊臣相訪

芒屨為車不必巾天窮未害子能文謝家有句元
無繼枉却催詩頭上雲

歲晚出城

溫飽能消底奔忙自作癡平生脚已繭今日鬢將
絲山刻霜餘骨梅臨水底枝只嫌長落真不道許
幽奇

至鷓鴣洞

岸凍樹逾瘦日高林始明瑤草密如積玉泉中暗
鳴初至心為動欹歸脚還停江湖千万峯穿懷兩
鞋青如何鷓鴣嶺咫尺來未曾

讀張忠獻公謚冊感歎

恩視韓兼趙名均獻與忠禮中非不極勲外若為
同三聖無多學千年僅一翁猶憐公議在持浚乞

秋風

寄張欽夫二首

作郡綽佳政留中即好音還將著書手拈出正君
心嶽麓風霜飽脩門兩露深登庸何恨晚卽廟要

山林

工瑟曾緣利鳴琴豈負子髮於貧裡白詩亦病來
踈知己俱霄漢孤蹤且簿書三年知免矣一飽會
歸歟

和慶長懷麻陽叔二首

舊雪縱追送新梅又作繁欣逢上林鴈聊免管城

冠酒債多；在詩盟久；寒忽思十年事有枕不能安

自幼仍投老相惟不解愁政緣湖外別負却竹林
秋佳政真餘事間人說甚休不應野水渡橫此濟
川舟

送羅永年歸永豐

誰道三年聚能勝一別多歲寒知子可心折柰吾
何所喜如椽筆能揮却日戈老夫留病眼看子中
文科

夜坐小集

林風

霜餘雪後夜無風人在燈前梅影中玉作寒蔬永
作酒詩人猶自怨天窮

和謝昌國送管相士韻

半世緣癡自作勞萬人爭處我方逃憐渠識盡公
卿得一馬歸來骨轉高

郭漢卿母挽詩

婦節今安仰斯人古有光雞鳴不知兩齊茂獨凌
霜未拜金花誥空悲玉樹即藤輿簾蹙是繡無復出
萱堂

庚寅正月送羅季周遊學禾川

眼邊相識蠶樣密如子歲寒萬綱一我徃西山子
義山老裡一別堪三年外舅陰功不知數諸孫太
半廊廟具學文先要學忍飢明年看子刺天飛

過秀溪長句

去年來此上已日今年重來未寒食臨渙照影老
自羞慙愧春光尚相識秀溪何許好春容最是溪
深樹密中海棠開盡却成白桃花散落翻深紅

題薦福寺

千山底裡著樓臺半夜松風萬岳哀曉起巡檐看
題壁兩聲一片闌林來

晚過黃洲鋪二絕

數峯殘日紫將銷一片新秧綠未交道是今年春
水小漲痕也到岸花梢
僕夫已倦路猶賒脚底殊勞眼底佳綠錦堆中半
團雪千楓擁出一桐花

嘉定元年春三月男長孺

編定

端平元年夏五月門人羅茂良

校正

誠齋集卷第六

廬陵楊萬里廷秀

詩

江湖集

過白沙渡得長句呈澹菴先生

收紅捨紫消幾許也費一春強半兩不辭長江萬
波阻來聽先生夜深語尚憶向來侍樽俎微雪斜
飄小梅吐先生半酣染霜兔金章玉句空萬古今
年寒食還相聚明年寒食知何處只道先生押班
去不道門生折腰苦

長句寄周舍人子充

省齊先生太高寒肯將好官博好山又告君王覓
閑散要讀短檠三萬卷州家新畫瑞霧圖渠莫錯
認何閑渠青原兩公復雙起山川出雲不在此自
憐無地寄病身四海知己非無人老窮只是詩自
悞春色撩人又成句

題峽江譚溫父詠齊

漁郎載我下峽水夜尋故人有譚子柴門竹屋斷
崖底艮齊手題詠齊字巴丘花草一番新玉笥峰
頭月半輪如今政是暮春者三歎春風舞雩下

淺芟獨行奉新縣圃

我來官下未多時梅已黃深李綠肥只怪南風吹
紫雪不知屋角練花飛

晚登浦心閣望兩

憫兩喜見雲喜雲愁不兩長風將怒點慰此樓中
暮喜兩不但人松竹亦皝舞未知今年熟得以去
年否

登清心閣

苦遭好月喚登樓脚力雖慵不自由上得金梯一
回首冰輪已過樹梢頭

立秋後一日兩天歌暮小立問月亭
兩後林中別樣涼意行幽徑不知長風蟬幸自無
星事強為閑人報夕陽

七月十二日夜登清心閣醉吟

小樓秋夜月明底仰不見天惟見水岸巾獨立四
無人白月青天伴楊子誰知橫玉作秋聲一聲吹
盡九陌塵月輪半仄吾未睡樓角風生涼殺人
月夜散策縣圃有飛蝶仍聞笛聲
月明未許人早睡笛聲解與秋爭清夜深不應有
飛蝶渠儂似欹伴人行

中秋後一夕登清心閣二首

昨夜雲為祟今宵月始妍如何一日闌便減半分
圓影裡偏宜竹光中不剩天客來休遣去我醉正
無眠

秋夜真成苦西山却在東吹高半輪月正賴一襟
風清景今年過何人此興同青天忽成紙似欹借
詩翁

木犀

天將秋氣蒸寒馥月借金波滴小黃不會溪堂老
居士更談桂子是天香

送客既歸晚登清心閣

誰不知儂懶其如送客何葉聲和兩細山色上樓
多出處俱為累昇沉儘聽他踈鐘暮相答也解說
愁磨

戲嘲金燈花上皂蝶

花鬚為飯露為漿黑霧玄霜剪薄裳飛繞金燈來
又去不知能有幾多香

劉世臣先生挽詩

策第仍為邑於公未足論眼中無佛國戶外即韓
門道大功非細人亡德則存西風寄雙淚吹到秀

峯原

羅元通挽詩

奏賦曾三比興能竟二南如何雙桂子枉著拜親
移舊事餘詩酒何人續笑談生前孝友在代石為
公鐫

羅介卿母李氏挽詩

孝豈天無報慈如古所稱百年得階老二子看同
外未拜鸞廻紙先塵繡感風藤他時顏考叔清淚落

君羹

遇西山

一年兩踏西山路。西山笑人應解語。胸中百斛朱
墨塵。兩捲珠簾無半句。慙懨買酒謝西山。慙愧山
光闌我顏。鬢絲漣為催。科白塵埃滿胸獨遑情。

豫章江皋二絕句

幸自輕陰好片秋。如何餘熱未全休。大江欲近風
光冷。平野無邊草亦愁。

只今秋稼滿江郊。猶記春虹掠屋茅。可是北風寒
入骨。荻花爭作向南梢。

同李簿養直登秋屏

大範今無寺。秋屏故有基。看山非不好。吊古却成

悲行役。真何苦。同來也未遲。題詩只憑語。差勝不
題詩。

送別吳帥

我公四海不數人。小煩江西作好春。落霞秋水只
似舊。如何入筆事。新即今諸公方袞。一老不
應閑裡頰。政緣山水太慇懃。日夜咷閴乞此身。二
天去人忽覺遠。兩地起公端。不免蒼生未要怨。東
山未必東。山當此怨。

歸自豫章復過西山

一眼芳花十里明。忽疑九月雪中行。我行真笑鷗。

驅從自有西山管送迎

送何主簿歸豐城

庚寅之旱奉新為甚大帥龔公擇行田之官
婺女何季舉以府檄來不怵不疑竟以實聞
縣令揚万里哦五言以餞其歸

衆裡非無士難中却幾人如何新帥澤偏作此邦
春未要栖鶯恨方看報主身青燈一樽酒聊復詰

酸辛

詔追供職學省曉發鳴山驛

數店疎仍密千峯整復斜水痕猶帶浪霜草自成

花錄：堪朝列星：已鬢華帝城萬事好得似早
還家

望見靈山

旱後催科惱殺儂且隨尺一解而東靈山忽近西
山遠回首新吳一夢中

登烏石寺

回頭身忽在樹杪一覽千山萬山小怪崖不落欹
欹摧令人仰看怯眼闊小亭解事知儂倦翼然飛
出青山半上頭最上却鏡平百畝金碧千衲僧高
峯高寺更高閣進步竿頭若為脚茲遊勝絕窮非

天山下虛行二十年

夜宿揚溪曉起見雪

茅檐無聲風不起誤喜夜來雨應止開門送眼忽
心驚失却前山萬堆翠江南只說浙西山更令著
雪與人看諸峯盡處一峯出凜然玉立最高寒溪
聲細伴吟聲苦客心冷趁波心去掉頭得句恐天
嗔且喚征夫問前路

辛卯五月送丘宗卿太博出守秀州二首
馮翊端誰可丘遲肯去廢繭絲臣敢後饑餧帝云
何身達當難免能稱未要多但無田里嘆不必
轍

禡歌

老矣渠憐我超然我愛渠論詩春兩夜解手藕花
初夢只江湖去情知伎倆疎未應五馬貴不寄一
行書

代錢塘宰莫子章賀 皇太子生辰

寒外乾坤淨霜前殿閣新如何震一索頻有月重
輪甲觀堂初畫青宮榜更銀三天同日曉一氣八
荒春東序繙周學南陽摘漢親承桃英類祖問寢
孝通神帝子臨京邑藩寮著野人天將重九節瑞
應誕彌辰萸菊双為壽山河總效珍前星環紫極

長照漆園稿

題呂子明國諭退菴

筆硯工為崇湖山苦約盟坐忘非聖處行樂且吾生一笑誰當會孤斟句恰成何時却乘興雪外叩柴門

送蜀士張之源二子維燾中童子科西歸

岷山玉樣清岷水眼樣明風流文彩故應爾又見
張家雙驥子小兒八歲骨未成誦書新作鸞鶴苞
大兒十二氣已老覓句談經人絕倒豫章七年人
得知駢駢三日世便奇天生異材能幾許更飽風

霜也未遲

壬辰別頭胡元伯丞公折雙梅見贈作一絕以謝之

一花怪結雙青子獨蒂還藏兩玉花薄相春工寧
底巧眼明初見枝斜

四月二日進士唱名万里以省試官待罪
殿廬遇林謙之說詩夜歸又得林東因紀其事

清曉朝帝所就列復少須不逢林夫子於何得故
吾宮雲霽猶未宸風爽亦初說詩憐新體信羨古

則無將與古人拙未必今製踈夜歸辱良訊送似
談笑餘病懷翻不樂此意從誰舒短歌紀幽事老
矣復焉如

送黃仲秉少卿知溫州二首

灔澦方如象餘皇底似飛相將刺天去收拾大名
歸西掖桐陰靜溫南荔子肥未應經世具便欹閉

山扉

補外公何幸來歸我尚留還為萬里別又費半生
愁安得欹黃帽相從却自頭醉中有詰在欹說忘
來休

晚立西湖惠照寺石橋上

船於鏡面入煙叢寺在湖心更柳中暮色欲來吾
欲去其如南北兩高峰

謁永祐陵歸途遊龍瑞宮觀禹穴

我肯騎鳳超九疑今復御風登會稽禹穴下窺正
深黑地老天荒知是非好峰高處偏薄霧秋熱苦
時恰輕兩回頭却望昭陵松雲氣成竜或成虎

寄馬會叔

影轉郎官宿春隨刺史天相從忽相別同舍况同年
我愛吳兒說只如邵父然賜金真浪費喚取從

甘泉

送傅安道郎中將漕亡閩二首

一代風驅將百年忠義家出閨穠使者蹈雪度梅
花夢破南宮被春生北斗槎懸知入奏月不待貢
新茶

把酒春如許論詩夜未央相逢便金石何必試永
霜離合知難免愁思自不忘他年一茅屋公肯訪

荒涼

故恭人劉氏挽詞

徐通仲母

雨露依蘋沼芝蘭上桂林魚軒簾蹙繡鷺絨誥塗

金死者夫何恨歸歟乃宿心不偕君子老愁絕白
頭吟

王龜齡挽詞

佛以偏師勝天能一手回橫空立萬仞不為作三
魁道大身無著音酌人亡世却哀溪梅那解事寂寞
為誰開

公號梅溪先生

吳母葉氏大孺人挽詞

其子太學士傅士
吳飛英字德華

髮以留賓短家從教子貧班衣奉當署象服鏡湖
春許穆詩還廢班姑史尚新不堪萱草露也解泣
慈親

荅章漢直

詩人今代謝宣城
舉手新年章子平
兩剝風殘忽
春暮花催草喚又
詩成五湖煙水三
冬卧萬里雲
霄一日程老裡睡
多吟裡少日來句熟
近來生

西湖晚歸

際晚游人也合歸
畫船猶自乘斜暉
西湖兩岸千株柳
絮不因風暖自飛

癸巳省宿詠南宮小桃

孤坐南宮悄桃花故
紅晴曬半臉日寒慘數鬢
風昔歲山村裡春光痛飲中
不煩渠伴宿今我已

襄翁

送李童子西歸

江西李家童子卽腹載五車于王皇選德殿後春
晝長天子呼來傍御床口角誦書如布穀眼光
法俱冰玉紫綃輕衫髮錦束萬人回頭看不足莫
言幼慧長不奇揚文公與晏臨淄老翁管兒也太
癡歌鞭轍下追霜蹄六歲取官曲肱似春風畫繡
歸吾里生子當如李童子至如吾兒豚大耳

送林謙之司業出為桂路提刑

雨眠起宵坐搔首偶不欣
孤念元無感懷我同社

人昨日林先生抱經出成均初間爲渠喜忽悟誰
我親緬然記宿昔夜款水際門微月耿秋寂幽蛩
慨涼新論詩煮豆粥熟天已晨先生補天手萬
象焉能春若非千載仰却要今世珍聖門舊傳業
不在先生身雪前何有松燭中諒非簪論思尺有
咫決去曾逡巡誰言我無耳老矣未有聞先生又
舍我離別尚足云桂山玉筍立柱水羅帶紋得句
能寄似不須持嶺雲

寄題天台臨海縣白鶴廟西泉

為司農顧魯子作魯子始尹臨海禱晴于祠

下見殿之東砌有泉而西獨無因念安得西
泉未幾有泉出焉

東泉千年流不休西泉千年秘不流臨海令君一
念作猿鳥未知泉已覺殿腳西頭蒼石根向來元
無泉眼痕一朝肇崖迸膏乳却與東_猿作賓主令君
已昇金掌中白鶴古祠煙兩濛父老思君難再得
登亭飲泉三歎息祝君公台壽千百

和韓子雲惠詩

幸自同裘好誰令異巷居恭承五箇字不但百車
渠句法端何樣先生肯乞去聲餘只容彈劍鉄敢道

出無車

送丁子章將漕湖南三首

詩集卷六

嶽麓猿聲裡湘流鴈影遍自天持一節到日是新年身退名逾重今稀古則然黃花非不好只是挿離筵

湖外遊曾漫荒餘好在磨山應依樣瘦民豈似田多不是無風物其如費拊摩人言補外樂且道定如何

半世行天下同心寡友生故人今又去此意向誰傾白髮三更語青燈一點明看渠還玉署老我正臨歧

歸耕

送來叔羽寺丞持節淮東二首

呼酒東西玉探梅南北枝相逢長不款此別有餘思古道寒如水吾儕鬢已絲一生商略此更待贈臨歧

煮海誰為祟沿淮困不勝民思賢使者帝遣太農亟玉節寒侵斗牙檣凍作冰來歸聞早著紫禁要渠登

題張興伯主簿經訓堂

范家尚有金生魚張家無魚金也無屠沽兒亦莫

笑渠渠有至富汝不如一翁凍吟擁竹爐諸郎映
雪夜讀書山鬼來聽鶴驚起萬岳無人霽月孤不
論取官大門闔始是紅訓為苗裔父子每腹百斛
珠出門掩皂馬牛裾

馬郎中母蔣夫人挽章

文物餘三逕芝蘭秀五常魚軒來粉省象服去黃
堂此母今誰侶清名死不亡一生令吏部廢却篆
莪章

送韓子雲揆正將漕江東二首

宰士仍名士詩人更德人遷家桐樹古攬轡繡衣

新不以鬢邊雪而忘句裡春登庸衣鉢在得憲大
江濱

名下得佳句夢中識半生未逢心已契相見眼偏
明彼此忽々別蒼然惆々情非閑風外樹儂自作
離聲

送陳行之寺丞守南劍 甲午

甫爾亟農扈翩然牧劍津諸公誰不相有子幾何
人氣節霜餘凜辭章王樣新飛騰可輕料渠亦正
青春

我召公先倒公歸我亦行三年如夢爾一笑可憐

生野店綠山去春風並嚮輕先愁饒水上話別若
為情

送鄉僧德璘二首

衲子向來元士子詩僧遞莫更禪僧不妨參透諸
方得別有宮牆第一層

湖上諸峰紫翠間三年欲到幾曾閑儂今去廩渠
知麼不是南山即北山

別蕭挺之泉州二首

卽署春同宿州魔晚卜隣出山成底事藉手得斯
人名實今無對雲霄早致身舟逢應互笑諸髮不

如銀

八葉全成九一枝誰敢雙野人應補外賢者亦為
邦夾岸梅臨水孤帆雪湧江別愁綻半掬不遺我
心降

甲午出知漳州晚發船龍山暮宿桐廬二
首

一席清風萬岳雲送將華髮得歸身海潮也怯桐
江淨不遣濤頭過富春

道塗奔走不曾安却羨山家住得閑記取還山安
住日更忘奔走道塗間

上嚴州烏石灘

人語相聞數尺間其如灘惡費人夢已從灘下過
灘上却立前船待後船

兩裡問訊張定叟通判西園杏花二首

白：紅：一村春晴光炫眼看難真無端昨夜蕭
蕭兩細錦全機卸作茵

梅不嫌踈杏要繁主人何忍折令殘也知雨意將
無惡為勒芳菲故：寒

携家小歇嚴州建德縣簿廳曉起

不堪久客只思歸曉起巡簷強撫髭偶聽梅稍啼

一鳥舉頭立看獨多時

題嚴州新堂

郡圃舊亭面東了無所見太守曹仲本撤材
易地為堂買地以廣之正對南山經始小築
覓江山輻湊得長句

新堂略有次第否忙裡從公一來覩是時新晴收
舊兩小風吹花掠巾羈江山只道不解語云何惠
然堂上聚北山故挽南山住東溪不遣西溪去向
來天藏在何處遭公拈出天不拒曰亭不為山作
主皆山起樓何以故更煩好手鍛東阜放出釣臺

寸來許

和馮倅投贈韻二首

名頤字子長

先生彈鋏凍吟時此豈求他一世知只怨送窮
不去元來却不怨工詩

繭紙松煤細作行兩詩字々可珍藏書生伎倆成
何事只博虛名萬古香

積雨小霽暮立捲書亭前二首

報晴底用暮寒為薄々春衫橫見欺似有如無風
細甚柳絲無賴恰先知

淡紫斜陽嫩碧天一春今夕始闌顏看山偶忘歸

來却月到西廊第二間

虞丞相挽詞三首

負荷偏宜重經綸別有涼雪山真將相赤壁再乾
坤奄忽人千古淒涼月一痕世無生仲連好手未
須論

保奭方為左希文自請西不勞三尺劍已辨一丸
泥已矣歸黃壤傷哉夢白雞清風誰作誦何石不
天齊

一老堂：日諸賢得：來但令元氣壯患不塞塵
開名大天難著人亡首忍回東風好西去吹淚到

泉臺

南溪山居秋日睡起

客至從嗔不著冠起來信手攬書看小蜂得計欺
儂睡偷飲晴窓硯滴乾

秋夕書懷

老去還多感歸來政倦遊數峰愁外月一葉靜邊
秋偶憶平生事真供獨笑休燒花吾會得村酒恰
當芻

秋署二首

一年強半走塵埃觸熱還山亦快哉幸自西風歸

較早却教秋暑伴將來
追涼能到竹溪無隔水斜陽未肯脯剩暑不蒙蕉
扇扇細雲聊借月梳梳

觀稼

三年再旱獨堪聞一熟諸村稍作欣老子朝朝
田水眼看翠浪作黃雲

感秋

舊不悲秋只愛秋風中吹笛月中樓如今秋色渾
如舊歌不悲秋不自由

送翁志道

平生翁子妙談天誰愛青山不愛官一笑同看岩
下井秋來能更起微瀾

表弟周明道工於傳神而山水亦佳久別
來訪贈以絕句二首

筆端人物更江山外弟周郎兩不難可把吳松半
江水博他頭進賢冠
儂家有軸郭熙山臨在永漢雪嶺間有弟新來眼
如月為儂洗手拾將還

送彭元忠司戶二首

觸熱能相訪言歸有底忙百聞貌半面一別又三

湘詩入江西社心傳肘後方木天須此土丹筆校
官黃

語石高仍瘦愚溪紺且寒憑君聊杖屩道我問平
安句好今逾進書來剩寄看只言官舍小檐下過
湘灘

乙未和楊謹仲教授春興

歸歟還復換年芳不分官梅惱石腸黃帽政堪供
短棹白頭可更獻長揚忽逢社裡催搜句安得花
邊對舉觴天上含香有知已彈冠端復為王陽

寄廣東提刑林謙之司業

玉節星槎下九天祝融海若讓雲煙故人一別還
三歲新句如今更幾篇憶昨待班南內否論詩看
雪未央前夢中若箇韶州路庾嶺梅花正可憐

送子上弟之石井

我生苦終鮮四海皆弟兄四海尚如許而况吾宗
盟君年甫弱冠已有俊異聲作賦擬三都著論追
過秦平生一瓣香何曾舉似人子上輿濟翁真若
吾同生我窮無人共二子慰眼明濟翁往荊州君
作石井行一老便落莫有詰從誰評懷哉勿重陳
呼酒且細傾

兩中送客

閑人也解有忙時送客誰令作許癡一夜黑風吹
白雪暉朝紫陌總黃泥

送客夜歸呈蕭兵英縣丞

並舍頻過亦幾曾却因送客得同行風船逆水四十里雪屋吹燈三二更老去病身禁底苦向來危
官若為情天台香火儂當覓且伴先生學養生

二月望日

海棠著意喚詩愁桃李綻開又落休小雨輕風春
一半去年今日在嚴州

醉筆呈尚長道

晚風一雨生新漲只送仙槎到天上十年相別一
相逢和氣春風談笑中如今耆旧晨星似猶及先
生說遺事舌端往往疏九河只有剩浪無欠波漢
渠周柱幾青竹却在先生一泓膜諸公道是今之
才如何此士尚塵埃此行青規更黃閣拭目孤鴻
往寥廓能念南溪病客無風來肯寄半行書

尚長道十年離索盃酒詰舊撫然若隔
世醉筆無律令亦情之至也淳熙乙未

四月十四日

初夏三絕句

麥黃秧碧百家衣已熟猶寒四月時雨後覓春無
一寸野薺薇發纖燕脂

手種琅玕劣十年今年新筍不勝繁不知明早添
多少日暮閑來數一番

竹間露重午方乾松裡雲深復亦寒只道一溪無
十里為誰百屈更千盤

行園

薤本新痕割復齊豆苗初葉合仍離鶯聲政好還
飛去不為詩人更許時

看筍六言

筍如勝薛爭長竹似夷齊獨清只愛錦綢滿地暗
林忽兩三莖

農家六言

揀秧已蓋田面疎苗猶逗水光白鷗飛處極浦黃
犧歸時夕陽

山居

鬚眉猶云步書多却道窮柴門疎竹處茅屋萬山
中幽夢時能憶閑題底要工不知蟬報隻為復自
吟風

有嘆

老來無面見毛錐猶把閑愁付小詩若道愁多頭
易白鷺鷺從小鬚成絲

喜定元年春三月男長孺

編定

端平元年五月門人羅茂良

校正

誠齋集卷第七

廬陵楊 萬里 廷秀

詩

江湖集

梅熟小雨

風從獨樹忽然來兩去前山遠却廻留許枝間慰
愁恨兒童抵死打黃梅

書王右丞詩後

晚因子厚識淵明早學蘓州得右丞忽夢步陵談
句法勸參庾信謁陰鏗

誠齋集卷七
一
飯罷登山

樹遠通鳶鷺花晴帶兩痕
登山偶回首闊水見前村
澹往孤無伴清歸笑不言
還家更遲著松菊未應存

待次臨漳諸公薦之易地毗陵自愧無贊

剝才上章丐祠

亦豈真辭祿誰令自不才
更須三金戀未放兩眉開
道我今貧却何朝不飯來
商量若為可杜宇一聲催

拖子花

樹恰人來短花將雪樣看
孤姿妍外淨幽馥暑中寒
有朵篆瓶子無風忽鼻端
如何山谷老只為賦山礬

謝傅宣州安道郎中送宣城筆

忽驚騎吏叩柴荆厚祿移書訪死生
今日猶遲傳岩雨前身端是謝宣城
解包兔穎霜盈把試墨山泉月一泓
老裡苦吟翻作拙鬚枉斷兩三莖

病瘡無聊

病身兀兀意昏昏急掛東窓避夕曛
坐看雲生還有雨忽然雨止併無雲

秋興

宿有青霞願惟應白鷺知風煙聊脫望山水入秋
宜老裡還多病貧中却剩詩浪愁餘熱在會自有
涼時

中秋與諸子果飲

幾年今夕一番逢千古何人此興同酒入銀河波
底月笛吹玉桂樹捎風莫言秋色無多巧淨洗清
光也費工老子病來渾不飲如何頻報綠尊空

挽鄒彥明

野渡無水涉荒民不木飢橋橫倚即記墓立舍人

碑自古誰無死何人沒後思涼々富川水便是挽
歌詞

探梅偶李判官餽熊掌

小摘梅花篆玉壺旋糟熊掌削瓊膚燈前雪袁新
醅熟放却先生不醉無

醉後撫梅花近壁以燈照之宛然如墨梅
老子年來盡入神鑿空幻出墨梅春壁爲玉板燈
為筆整斜樣新

釣雪舟倦睡

子作一小齋狀似舟名以釣雪舟子讀書其

問倦睡忽一風入戶撩亂底梅花極香驚覺

絕句

小閣明窗半掩門看書作睡政昏昏無端却被梅
花惱特地吹香破夢魂

晚步南溪弄水

吾廬在南溪溪北北山半山空誰肯隣影靜鶴為
伴萬松當籬落千岩上儿案花草豈厭多不多亦
堪翫一丘萬事足半點無外羨如何灌雙纓獨久
泉一眼晚晴漫野步偶到溪側畔頗怪清淺流雪
後劣如線相將二三子一笑出奇觀瓊砂雜瑞礫

掇拾作微垣鏘然便淙琤清若奏琴阮當流立孤
石巖瀆忽童心不塞勢何怒惟激聲故遠從今日
日來愁肺要湔浣兒童俾勿壞鶯鶯好看管

醉眠夜聞霜風甚緊起坐達旦二首

玉酒醺人底易醒月傍梅影恰三更只嫌老眼清
無睡不道松聲聽到明

雪花旋落旋成融橫作清霜陣々風一夜急吹君
會否妬他殘葉戀丹楓

霜夜望月

人靜蛩喧天欲霜不眠獨自步風廊閑看月走仍

雲走知是雲忙復月忙

瓶中梅花長句

幽人蚕作月滿堦月隨幽人登舫齋推門欹閣猶未開猛香排門撲我懷往從皂孔上灌頂拂々吹盡髮底埃恍然墮我衆香團欹問何祥無處覓冥搜一室一物無瓶裡一枝梅的樂平生爲梅判斷腸何曾知渠有許香夜來偶忘挂南窓貯此幽馥萬斛強却憶去年西湖上錦屏下瞰千青嶂谷深梅盛一萬株十頃雪花浮欹漲是時雨後初晴前日光烘花香作煙政如新火炷博山亟出沉水和

龍涎醉登絕頂撼踈影掇葉餐花照冰井蜀人老
張同舍即喚作謫仙儂笑領如今茅屋卧山村更無載酒來叩門一尊孤斟懶論文猶有梅花是故人去年正月予旣得麾臨漳朝士餞予高會於西湖上劉寺滿谷皆梅花一望無際絕頂有亭傍曰錦屏予獨倚一株老梅摘花齎之同舍張監簿蜀人名璵字君玉笑謂予曰韻勝如許謂非謫仙可手

夜飲以白糖嚼梅花

剪雪作梅只堪嗅點蜜如霜新可口一花自有可嚥一盃嚼盡裹花幾杯酒先生清貧似飢蚊饑涎流到瘦脰根賴江壓糖白於玉好伴梅花聊當肉

釣雪舟中霜夜望月

溪邊小立苦待月月知人意偏遲出歸來閉戶閑
不看忽然飛上千峯端却登釣雪聊一望水輪正
挂松梢上詩人愛月愛中秋有人問儂儂掉頭一
年月色只臘裡雪汁揩磨霜水洗八荒萬里一青
天碧潭浮出自白玉盤更約梅花作渠伴中秋不是
欠此段

梅花下小飲

今年春在臘前回怪底空山早見梅數點有情吹
面過一花無賴背人開為携竹葉澆瓊樹旋折水

匏浸玉盃近節雨晴誰料得明朝無興也重來

幽居三詠

釣雪舟

青鞋黃帽綠蓑衣釣雪舟中雪政飛歸自嚴州無
一物扁舟載得釣臺歸

雲卧菴

十年兩袖軟紅塵歸濯滄浪且幅巾不是白雲留
我住我留雲住卧閑身

誠齋

吾溪見了紫岩回獨笑春風儘放懷謾向世人談

昨夢便來喚我作誠齋

寄題更好軒 二首

經丘尋岳恰忙時更有工夫到得詩政用此時索
詩債素兄青士若為癡

無梅有竹竹無朋無竹有梅梅獨醒雪裡霜中兩
清絕梅花白竹青青

郡中送春盤

餅如蘭絳不可風菜如縲茸方可縫韭芽捲黃苣
舒紫蘆熊削冰寒脫齒臥沙壓玉割紅香部署五
珍訪詩腸野人未見新曆日忽得春盤還太息新

年五十柰老何霜鬚看鏡幾許多麴生嗔人不解
事且為春盤作春醉

臘裡立春蜂蝶輩出

嫩日催青出凍荄小風吹白落踈梅殘冬未放春
交割早有黃蜂紫蝶來

梅花落盡有感

五樹梅花一樹遲花遲花早總離披春風只解吹
梅落不為愁人染鬢絲

丙申歲朝

椒盤又頌一年初多拜猶欣未要扶山色長供青

弱笠春光不為白鬚鬢仙家風土閑中是歲後鳶
花較早無人事馳驅不須歎倦來添得睡工夫

與劉景明晚步

行盡南溪溪北涯李花看了看桃花歸來倦卧呼

童子旋煮山泉瀹建茶

贈劉景明來訪

研席相從昔少年白頭誰信兩蒼然來從八桂三
湘外憶折雙松十載前告我明朝還又別對床終
夕不成眠交游存沒休休說且為梅花醡玉缸

曉看牡丹呈彭仲莊

牡丹新植舊來無早起看花花更蘊晴翠滿空天
政曉暖紅烝霧汙成珠絕憐嫩日偏催老猶喜輕
寒為給扶來歲一株應百朵只今紫筆繞根鬚

和彭仲莊對牡丹止酒二首

病身無伴卧空山石友相從慰眼寒呼酒撫花談
舊事牡丹匹似夢中看

老裡心情客裡懷逢花不飲若為閑處名身後真
何用更判生前酒一杯

暮春小雨

宿酒微醒尚小醺似癡如病不多欣深、池沼輕

輕雨獨倚欄干看水紋

夏日絕句

不但春妍夏亦佳，隨緣花草是生涯。
鹿葱解挿纖長柄，金鳳仍開最小花。

小池

泉眼無聲惜細流，樹陰照水愛晴柔。
小荷纔露尖尖角，早有蜻蜓立上頭。

題左正卿壽慈堂

萬事絲窠黏露珠，奉親最樂天下無。
丘明遠孫千里駒，有母七十髮如雪。

底爭生永底魚，人間無子俱千齡。

覓天賜渠三更月，落堂西閣母自挑燈兒讀書。
年生日不用扶，今年生日健過初。
水桃碧藕脆如酥，一觴千歲母子俱。

挽謝母安人胡氏

玉樹仍雙桂，金花不一書。
雪封青竹爭霧失，白藤輿天下。
誰無母，江西未有渠。
西峯半輪月，松檣政疎疎。

雨霽幽興寄張欽夫

大官有重荷，豐廩無薄憂。
草茹我豈腴，飽亦與彼侔。
積雨久自霽，曙光清以幽。
欣然出荆扉，不出旬

己周初意欲看竹信步偶臨流北驚失故岸東見
生蘋洲懷哉古與今與此豈不猶歸來翻不樂隱
儿到昔遊平生忘年友草草相應酬暫夢不多歎
嘆人苦鳴鳩山林本無事亦復擾々休

題劉伯山蕃殖圖二首

畫禾黍
綠菽麥

老子平生只荷鋤誤携方破硯到清都歸來荒盡西
疇却媿見劉家蕃殖圖

黃雲翠莢雜玄珠上熟今年不負渠說似田家早
收拾一番風雨一番蹤

極暑題釣雪

暑中北閣望南窓將謂南窓分外涼到得南窓還
更熱芙蓉和葉落幽香

讀書

讀書不厭勤勤甚倦且昏不如卷書坐人書兩忘
言興來忽開卷徑到百聖源說悟本無悟談玄初
未玄當其會心處只有一欣然此樂誰為者非我
亦非天自笑終未是撥書枕頭眠

六月十三日立秋

暑中乘喜立秋初特地西風半點無旋汲井花澆
睡眼灑將荷葉看跳珠

歸舟昔歲宿嚴陵
兩打疎蓬聽
到明昨夜茅檐疎
雨作夢中喚作打蓬聲

中秋前二夕釣雪舟中靜坐

月到南窓小半扉
無燈始覺室生煙
人間何處水壺是
身在冰壺却道非
去歲中秋政病餘
變他月色強支吾
今年老矣差無病
後夜中秋有月無

中秋無月旣望月甚佳 二首

中秋無月莫尤天
月入秋來夜已妍
且道今宵明

月色何曾減却半分圓

月到中秋故無今
霄月好莫渠孤舊
傳月徑圓千里影
落金杯只粒珠

晚興

雙井茶芽醒骨韻
蓬萊香燼倦人添
蜘蛛政苦空庭閭
風為將絲度別擔

約劉彥純會建安寺

解后何時可平章
後月涼前期來一夕
古寺作重陽
白酒多多載
黃花急急香
遣詩愁已遣
何况更連床

送客山行

嶺雲為作小涼天
山店重來憶去年
獨樹丹楓誰不見
何須更立萬松前

秋月

夜氣涼於水高齋可當
樓古來除却月此外更無
秋寒入蘭心勁光隨菊脚流
惟愁清不極清極却成愁

雨夜

歲晚能無感
詩成只獨哦
螢光寒欲淡
秋雨暮偏多
伴老貧無恙
留愁酒肯廢吟蟲
特落葉為我拍

還歌

秋雨歎十解

兩入秋霄滴到明
不知有意復無情
人夢為許千千萬
萬聲
霖霖滴未休
休不解教儂不白頭
却把窮愁比
秋雨猶應秋雨少於愁

濕侵圍扇不能輕
冷逼孤燈分外明
蕉葉半黃荷葉碧
兩家秋雨一家聲
厭聽點滴井邊桐
起看空濛一望中
橫着東山三十里
真珠簾外翠屏風

簷下黃花最恨他金鉢香少淚痕多仙人解補銀
河漏天上無泥奈許何

老子愁來只苦吟一吟一嘆為秋霖居人只道秋
霖苦不道行人泥更深

畫落無聲夜有聲只堪醉聽不堪醒擔牙半點能
多少滴入苔階一寸青

曉起窮忙作麼生兩中安否問秋英枯荷倒盡饒
渠著滴揜蘭花太薄情似霧如塵有却無須臾密
似復疎忽忘九月清霜曉喚作深二月初

不是檐聲不放眠只將愁思壓裏年道他滴灑潭
無賴不到侯門舞袖邊

寄題劉直卿水壺 二首

外看積翠玉千峯中有清池月半弓更拓長堤三十
里剝栽楊柳與芙蓉
壺裡清冰水裡人箇邊無地可留塵何時去堦池
中月照我星星白髮新

寄題王國華環秀樓 二首

近山遠岫不知重暖翠晴嵐只滿空珍重主人將
好手盡驅秀色入樓中

平地看山山絕低上樓山也逐層奇不知山與樓
爭長為復樓隨山却移

贈尚長道簽判

今代高人尚子平風流文采舊家聲合於玉箏班
中立却向紅蓮幕裡行天色惄人渾欹雪燭花照
別若為情日邊已辨除書署莫憇南樓秋月明

贈尚獻之

老鳳蒼然姿雛鳳鏘然鳴一見渠父子令人英氣
生大尚傲一世不肯揖公卿小尚刷羽毛勢欲追
風鵬吾州八千士下筆電雹聲小尚灑墨汁一笑

萬人驚姓名登天府紙價高帝城鼎哉更摩厲制
勝在此行相遭又相別勿作兒女情舟行得秀句
寄我增雙明

題陳叔虎繡梅花扇
指下生寒影針端即化工冰痕將雪點不受燭光

融

和彭仲莊七言

向來年少今老翁隨身不去只有窮請君與我共
看鏡豈復平生永雪容秋霖晴天瘦日色滿掇黃
花當朝食何人哀飯問子未窮裡逢君自為客空

山凍吟只自奇故人之外誰相知今年相從豈不好安得到老長追隨喜君詩思未渠薄秋後花鶯兔邊落慙我短才澁歌無霜餘水澗流還涸君游宣溪何日來愁城封閉待君開定知此行脫寒谷領取陽春一併回

胡季永挽詞二首

澹菴潛聖學未許外人傳門裡存衣鉢吟遍可管弦浣花宗武響儻耳小坡舡綠鬢成黃壤從今更問天

一昨官都下同時寄客間相從湖上寺覽遍浙西

山駿足應千里彫文未一班霜風吹病眼老淚爲渠潛

送徐吉水解組造朝

我住南溪溪北涯閉門草長不曾闢風窓只怪燒花喜雪徑傳呼縣尹來道是朝廷舉廉吏如何江海尚遺才西樞東觀俱知已拜了除書却探梅

寄題簫民望扶疎堂二首

不栽繁杏試晴紅不種垂楊拂暖草堂下生涯無一物月中脩竹雪中松株松箇竹已奇那更扶疎簷碧滴喚醒淵明千

載夢政緣瀘水一篇詩

送奔醫時亭往攸縣省覲

雪恰來時子恰行白雲飛過雙眼明阿母幾年不
相見阿兄喚渠來作伴探囊半粒黃金冊湘南小
兒開病顏江西兩奔留不住併被湘南奪將去

晚步

半足輕煙束翠山一梳寒月印青天生憎野燒無
端甚直上高棟香靄邊

燈下讀山谷詩

天下無雙雙井黃遺編猶作舊時香百年人物今

安在千載功名紙半張使我詩編如許好闋人身
事亦何嘗地爐火暖燈花喜且只移家住醉鄉

題劉直卿崇蘭軒

風亦何須過林仍不厭深莫將春色眼來看歲寒
心政坐香通園端令佩滿襟楚人更饒舌得免世
間尋

寄題朱景元直節軒 二首

見說幽居似渭川一川脩竹雪霜寒如何翦得蒼
主乞與誠齋作釣竿

月到梢頭十倍明風來葉底百分清儘言直節無

人會歲晚君看太瘦生

和同年梁韶州寺丞次張寄詩

故人一別恰三年誰與論詩更說禪忽報一麾官
嶺外寄來七字雪梅前人惟南內班行舊語帶西
湖山水鮮安得對床吟至曉旋烹山茗試溪泉

送永新杜宰解印還朝

去年摘山初弄兵永新縣前戈劍腥杜侯不持一
寸鐵閉閣堅卧民不驚軍前作山谷聚木牛流
馬安用許但令綠林無點塵何須爛額盡麒麟紫
皇急才霄不寐斯人合著班行裡速騎匹馬謁明

光夜來溪風吹玉霜

探梅

山間幽步不勝奇政是深寒淺暮時一樹梅花開
一朶惱人偏在最高枝

霜夜

月影全無只有星如何夜色照人清素娥未必饒
青女不道霜明勝月明

月下梅花

天恐梅花不耐寒遣將孤月問平安未須一夜都
開盡留取前前後後看

訪周仲覺夜宿南嶺月色粲然曉起路濕

聞有夜雨

夜晴那得曉來泥繞見金鉢浴紺池一陣五更松
上雨元來睡著不曾知

過西坑

乾風無那濕雲何吹不能開只助他野水落溪生
蟹眼一番過了一番多

觀陂水

波緩溫遲似讓行忽然赴岳怒還生東歸到底誰
先後何用爭流作許聲

劉村渡

二首

隔岸輕舟不可呼小橋獨木有如無落松滿地金
釵瘦遠樹黏天菌子孤

曠野風從腳底生遠峯頂與額般平何人知道誠
齋叟獨著駝裘破兩行

晚歸遇雨

略略煙痕草許低初初雨影傘先知溪面谷轉愁
無路忽有梅花一兩枝

和閩漕傳安道郎中送毛平仲詩韻寄謝
惠書及詩

宣城訊後忽年餘閩水風來又歲除人品只今推
正始詩聲何止過黃初豈無天上同朝友不寄山
中半紙書珍重故人多問我鬢毛半脫齒全疎

丁酉初春和張欽夫榕溪閣五言

榕影下照水翠蛟舒復棲溪光连昇擔 夏凍以
幽高閣昔兩荒奇觀久風休南軒天遣來山谷神
與謀字新址惟舊景逝人為留不意猿飲潭從見
駟駕輶先生何孤往野客久從游願携龍文璧去
淪兔褐甌垂手掬寒冰移床聽涼颸閣迴詩更超
古往今亦猶攬渠五字妙覺我百疾瘳出山未遽

誤在山未遽優如何近來夢夜夜在釣舟

曾達臣挽詞 二首

珠凍蘭溪水永封玉笥山是翁元不死蛻骨此中
間書畫今存否儀刑香莫攀端令郡博士陟岵漫
班班

議論千千古胸懷一一竒非閨時棄我不肯我于
時老鵠雲間意長松雪外姿平生獨知命冷眼看
人癡

題劉景明百牛圖扇面

吉語聞田父新年勝故年借儂百駁觫兩裡破荒

田

題劉景明百馬圖扇面

霧鬢如無筆霜蹄不帶埃直言明眼著若箇是龍媒

題鄧國材水墨寒林

人間那得箇山川船上漁即使是仙遠嶺外頭江盡處問渠何許洞中天

春寒絕句

幾絲微雨噀前山半點輕寒健牡丹只道一春晴較少到他晴了是春殘

兩中酴醿

翡翠堆頭辭不梳梅花腦子捲肌膚夜來急兩元無事曉起看花一片無

晚春即事二絕

尺許新條長杏栽文餘班筆出牆隈浪愁草々酴醿過不道婷婷芍藥來

樹頭吹得葉冥冥三月顛風不小停只是向來枯樹子知他那得許多青

寄題鄒虞卿覩仙閣

仙山去天繞一握興山相高鄒氏閣月波吹面寒

詩齋集卷之二
三
欹水斗柄掛擔危不落葉縣雙鳧那復飛維山一
鶴何時歸王仙肯來閣上否共綠鱗脯傾天酒

入城

杜鵑有底怨春啼鶯子無端貼水飛不種自紅仍
自白野酴醿壓野薔薇

永和放舡

二首

永和不到又經秋淡日微風好放舟最是可憐江
上路人來人去幾時休

瀕江樓閣祗遙看却恐登臨不足觀已是老來無
眼力更供兩岸萬峰寒

嘉定元年春三月男長孺

編定

端平元年夏五月門人羅茂良

校正

誠齋集卷第八

盧陵楊

萬里

廷秀

詩

荆溪集

丁酉四月十日之官毗陵舟行阻風宿惆

波江口

蟲聲兩岸不堪聞把燭銷愁且一尊誰宿此船愁似我船蓬猶帶燭煙痕

十里江行一日程出山似被北風嗔東窓水影西窓月併照船中不睡人

舟次西徑

夜來徐汊伴鷗眠 西徑晨炊小泊船
蘆荻漸多人漸少鄱陽湖尾水如天

餘于泝流至安仁

半篙新漲滿帆風兩岸千山一抹中
慙愧權郎能袖手若非袖手更無功

宿小沙溪

樹捧山煙補缺雲風操花雨作香塵
綠楊儘道無情著何苦垂條拂路人

諸峯知我厭泥行捲盡癡雲放嬾晴不分竹捎舍

宿兩時將殘點滴寒聲

玉山道中

村北村南水響齊巷頭巷尾樹陰低
青山自負無塵色盡日殷勤照碧溪

入常山界

老隨千騎赴毘陵騎吏朝來有喜聲
未到常山三十里此身已在浙中行

昨日愁霖今喜晴好山夾路玉亭亭一峯忽被雲
偷去留得峰嶠半截青

小憩栟櫚

爭興放下倦騰；睡倚胡床，撼不驚擇柳細花吹。
面落誤揮團扇，撲飛蠅。

過招賢渡

余昔歲歸舟，經此水涸舟膠，旅情甚惡。
歸舟曾被此灘留，說著招賢夢亦愁。
五月雪飛人不信，一來灘下看濤頭。

一江故作兩江分，立殺呼船隔岸人。
抑上青虫寧許劣垂絲，到地却回身。

倦游客子自無聊，不是江山景不饒。
危岸崩沙新改路，劙渠橫石自成橋。

岸上行人莫嘆勞長年，三老政呼號。
知灘惡，船難上，仰蹈挽竿，卧著篙。

苔溪登舟

深於池沼淺於河，動地風來也不波。
只道東來行役苦，胡床面是菱荷。

舟過德清

人家兩岸柳陰邊，出得門來便入船。
不是全無最佳處，何窓何戶不清妍。

舟泊吳江

獨立吳江第四橋，橋南橋北渺銀濤。
此身真在吳

江裡不用并州快剪刀

江湖便是老生涯
何妨且泊家自汲松江橋
下水垂虹亭上試新茶

東是吳江西太湖長橋橫截萬尋餘
江妃舞倦凌波輶玉帶圍腰攬鏡初

七月十四日雨後毘陵郡圃荷橋上納涼
荷葉迎風聽荷花過兩看移床橋上坐謐我鏡中

寥

暮立荷橋

欲問紅蕖幾蒼開忽驚浴罷夕陽催也知今夕來

差晚猶勝窮忙不到來

秋熱追涼池上

圃迥人全寂池清慮自消萍根微著水荷葉欹穿
橋今歲知何故秋陽爾許驕追涼猶有處此老未
無聊

秋涼晚步

秋氣堪悲未必然輕寒政是可人天綠池落盡紅
蕖却荷葉猶開最小錢

毘陵郡齋冬至晴寒

竹屋消殘半瓦霜永河凍裂一漁航不須宮線量

賜影化日今年特地長

蠟梅

天向梅梢別出奇國香未許世人知慙慙滴蠟纖
封却偷被霜風折一枝

登淨遠亭

池冰受日未全開旋々波痕百皺來野鷗被人驚
得慣作群飛去却飛回

戊戌正月二日雪作

雪與新春作伴回擣霜為片雹為埃只愁雪壓梅
無柰不道梅花領雪來

夢回紙帳怪生寒童子傳呼雪作團已被曉風融
作水頭巾不裡起來看

戲題郡齋水墨坐屏二面

兩客呼船一急行樹林半落半猶青諸峯最是中
峯好我欲峯頭築小亭
荆溪四面四無山不是荒林即野田忽有石崖天
半出飛泉落處稍人煙

郡圃小梅一枝先開

小窠梅樹太尖新先為東風覓得春後日千株空
玉雪如今一朶許精神

戲贈子仁姪

小阮新來覓句忙自携破硯汲寒江天公念子抄詩苦借與朝陽小丰窓

淨遠亭晚望

鶼鶬嬌紅野鴨青為人浮沒為人鳴忽聞風起仍波起乃是飛聲與落聲

郡齋梅花

月朵痕雪半捎便無雪月更飄蕭不應臘尾春頭裡兩歲風光一併饒

雪後尋梅

去年看梅南溪北月作主人梅作客今年看梅荆溪西玉為風骨雪為衣臘前欹雪竟未雪梅花不慣人間熱橫枝憔悴沈晴埃端令羞面不肯關縞裙夜訴玉皇殿乞得天花來作伴三更騰六駕海神先遣東風吹玉塵梅仙曉沐銀浦水冰膚別放瑤林春詩人莫作雪前看雪後精神添一半

雪齋出城

插於雪後較多花草亦晴初忽幾芽河凍落痕餘一寸殘冰閣在柳根沙

正月十九日五更詣天慶觀謝雪聞都下

尺雪旬日而毘陵三四微雪而已

元宵風物又闌殘閑閣何曾出一看尚覺燭光欺
病眼旋添衣著試春寒中都尺雪逾旬許此地飛
花逐片乾不待珠宮香大了海風吹上紫金盤

雪中看梅

犯雪尋梅雪滿衣池邊梅映竹邊池要尋踈影橫
斜底揀盡南枝與北枝

梅花

花早春何力香寒曉儘吹月搖橫水影雪帶入瓶
枝

春夢紛紜

燭花半作紫芝開詩興頻遭白雨催只有睡時愁
可遣春愁又向夢中來

二月一日郡圃尋春

中和節裡半春天一拂清寒半點暄憔悴不勝梅
欹落嬌饒無對杏初繁

花遠朱檐柳遠欄小亭面面錦團窠春風橫欹欺
詩瘦且下東窓護嫩寒

梅殘

雪已都消去梅能小住無雀爭飛落片蜂猶未翥

鬚

寒夜不寐

雪入迎春鬚未醒學古胸夢回霜滿屋吟到月斜

鐘

新柳

壽仁子與羅永年同試南宮遷郡因談西湖
柳色已佳而郡圃方芽

輦路金絲半欹垂外間玉爪未渠開上林柳色休
多憶更趁春風看一回

小飲姐豆頤備江西淮浙之品戲題

滿盤山海眩芳珍未借前籌已熟津蠶醬子魚總
佳客玉狸黃雀是鄉人

味含霜氣洞庭相鮓帶桃花楚水鹹春暖著人君
會否不教淮白過江南

兩露

兩為梅花遣盡塵抑勾月影自傳神不須苦問春
多少暖幕晴簾總是春

蜜漬梅花

壅澄雪水釀春寒蜜點梅花帶露餐句裡畧無煙
火氣更教誰上少陵壇

感興

看書已怪短檠燈覓句猶銷澗水聲詩瘦近來惟
有骨可憐辛苦爲虛名

春暖郡圃散策

已覺朝來退祫衣日光風力軟如癡情誰留許春
寒著更放梅花住步時
萱草行間過復約杏花影裡散文書秋風遣我踈
團扇又被春風遣喚渠
春禽處々講新聲細草欣欣賀嫩晴曲折遍穿花
底路莫令一步作虛行

休日登城

愛他休日更新晴忍却春寒上古城廢壘荒蘆無
一好春來微徑總堪行

淨遠亭午望

城外春光染遠山池中嫩水漲微瀾回身小却深
檐裡野鷺雙浮欹近欄

竹逕殊疎欠補栽蘭芽欲吐未全開初暄乍冷飛
猶倦一蝶新從底處來

池亭雙樹梅花

開盡梅花半欹殘兩株晴雪作雙寒團窠遶樹元

無見只合池亭隔水看

多稼亭前小步

櫻桃拋過隔牆苔芍藥叢抽刺土芽最是蜜蜂無

意思忍將塵脚踏梅花

多稼亭宴客

歸來不省醉還醒只怪譙門打一更秉燭徑穿梅
下過此身真在雪中行

燒香七言

琢瓷作鼎碧於水削銀為葉輕如紙不文不武火力勻
閉閣下簾風不起詩人自姓古龍涎但令有

香不見煙素馨忽聞抹利折低處龍麝射和沉檀平
生飽識山林味不柰此香殊忒媚呼兒急取烝木
犀却作書生真富貴

讀嚴子陵傳

客星何補漢中興空有清風冷似冰早遣阿瞞移
漢鼎人間何處有嚴陵

題山莊小集

子仁姪初學作詩便有可人語數日得五詩

子題之以山莊小集云

莫笑山莊小集休篇二字於秋向來楓落吳

江冷一句能銷萬古愁

春寒

春寒儘解粟人膚敢傍吾憐酒殘無兩裡杏花如
半醉擡頭不起索人扶

瓶中梅杏二花

梅花耿々冰玉姿杏花淡淡注蘸脂兩花相嬌不
相下各向春風同索價折來雙挿一銅瓶旋汲井
花澆使醒紅白看不足更遣山童燒蠟燭

書齋夜坐

棐凡吹燈丈室虛闊窓兩點響增除胡床枕手昏

昏著卧聽兒童讀漢書

酒力欺人正作眠夢中得句忽醒然寒生更點當
當裡雨在梅花軟々邊

瑞香花

織錦天孫矮作機紫草翻出自花枝更將沉水濃
薰却月淡風微欹午時

樹如岩桂不勝低花比素馨幽更奇要作團棗小
窠錦春風不長出叢枝

二月十四日梅花

雨打知無那春暄絕不禁小風千點雪落日一鬚

金

樹勁春猶瘦花寒暮更明平生豈無句此外不須
清

晚飲

旋：歌詩旋：抄一尊野蔌更山肴春風畧不扶
人醉月到梅花最末稍

二月望日勸農既歸散策郡圃

荆溪老守勸農歸吏散還從郡圃嬉拾得落英覩
一掬春風苦向掌中吹

今年花事許遲：九十春光已半歸風急杏花吹

不脫落梅無數掠人飛

水仙花

江妃虛却蘂珠宮銀漢仙人謫此中偶趁月明波
上戲一身冰雪舞春風

額間拂殺御袍黃衣上偷將月姊香待倩春風作
媒却西湖嫁與水仙王

韻絕香仍絕花清月未清天仙不行地且借水為

名
開處誰為伴蕭然不可親雪宮孤弄影水殿四無

人

夜坐

背壁青燈勸讀書窺窗素月喚看渠向來諸老端
何似未必千年便不如春後春前雙雪鬢江南江
北一茅廬只愁夜飲無供給小雨新肥半圃蔬

新柳

柳條百尺拂銀塘且莫深青只淺黃未必柳條能
蘸水水中柳影引他長

禱雨報恩到翟園

霧氣初迎日脚開春光偏傍柳邊回寒暄消息何
人會十指今朝出袖來

草路無泥未有虛城南城北總遊人不緣香火來
山墅孤負今年半段春

遶亭怪石小山幽夾徑低枝壓客頭幸自一來惟
不早梅花滿地訴春愁

未必錢園似翟園翟園窠木最宜看茂松亭下偏
明眼矮檜平鋪翡翠盤

垂絲海棠

無波可照底須窺與柳爭嬌也學垂破曉驪晴天
有意生紅新暎一絢絲
不闋殘醉未醒鬆不爲春愁懶散中自是新晴生

睡思起來無力對東風

送羅永年西歸

梅荳香遍踏雪來杏花雨裡帶春回明朝解纜還
千里今日看花更一杯誰遣文章太驚俗何緣場
屋不遺才南溪鴟鵞如相問為報春吟費麝煤

社雨

時節從來好雨知今朝社日頻霏微落花只得春
風舞濕却殘香不得飛

讀唐人及半山詩

不分唐人與半山無端橫欹割詩壇半山便遣能

參透猶有唐人是一關

落梅再看晚花

數日春風不柰暄梅花落盡淨無痕却將晚荳重
收拾更放南枝第二番

鋗白

五十如何是後生呼兒拔白未忘情新年只道無
功業也有霜髭六十莖

春興

着盡工夫是化工不閑春雨更春風已拂膩粉塗
雙蝶更費雌黃滴一蜂

夜窓

口角哦詩細有聲不妨半醉不妨行青燈一點統
如黍解作書窓徹夜明

詩人心緒幾時休逢著三春似九秋數到五更仍
五點明朝還更有新愁

春曉

拂花紅露濺春衣柳外春禽睡未知天借晴光興
桃李更將剩彩弄游絲
風光明淑柰渠何非暖非寒直是和春到千花俱
有分海棠獨自得春多

一年生活是三春二月春光儘十分不必問纏索
花笑闌牕花影也欣欣

米囊花

鉢膏細點花稍道是春深雪未銷一斛千囊蒼
玉粟東風吹作米長腰
鳥語蜂喧蝶亦忙爭傳天詔詔花王東皇羽衛無
供給探借春風十月糧

曉寒

黯黯輕寒淡淡陰遊人便覓減行春春風也解嫌
蕭索自送鞦韆不要人

春光喚入百花叢
寒力乍欺兩鬢蓬
吹亂衆紅還復整
海棠却不怕東風

嘉定元年春三月男長孺編定
端平元年夏五月門人羅茂良校正

誠齋集卷第八 終

第35361号
平成 3.11.22
928
聖 園 和 短 大 學
圖 書 館



